

KERATAN AKHBAR

TARIKH : 22 NOVEMBER 2022
AKHBAR : HARIAN METRO
MUKA SURAT : 26

Asas ekonomi negara kukuh

Bernama
Kuala Lumpur

Asas ekonomi Malaysia kekal kukuh sehingga 2023, walaupun terdapat ketidaktentuan politik berikutan Pilihan Raya Umum ke-15 (PRU-15) yang berakhir baru-baru ini, kata RHB Investment Bank (RHB IB).

RHB IB dalam nota penyelidikan berkata, ia mengekalkan unjuran pertumbuhan Keluaran Dalam Negara Kasar (KDNK) 2022 untuk Malaysia pada 7.0 peratus tahun ke tahun dengan baki risiko cenderung kepada 7.5 hingga 8.5 setiap sen, diikuti 4.5 peratus pada 2023.


Berdasarkan keputusan rasmi, PRU-15 berakhir dengan Parlimen tergantung di mana tiada parti politik memperoleh majoriti mudah jumlah kerusi mencukupi di Parlimen.

Pakatan Harapan memenangi 82 kerusi Parlimen,



Berdasarkan perkembangan terkini, pembentangan semula Bajet 2023 mungkin mengalami kelewatan berikutan pemilihan kerajaan baharu”

RHB IB



PRU-15 berakhir dengan Parlimen tergantung di mana tiada parti politik memperoleh majoriti mudah jumlah kerusi mencukupi di Parlimen.

ASAS EKONOMI NEGARA KUKUH

KDNK kekal dengan unjuran 7.0 peratus sehingga 2023

diikuti Perikatan Nasional (73) dan Barisan Nasional (30).

Sehubungan itu, RHB IB berkata, ejen ekonomi dan peserta pasaran kewangan berkemungkinan menga-

malkan sikap tunggu dan lihat dalam tempoh terdekat sehingga kerajaan baharu ditubuhkan.

Dalam pada itu, ia menjangkakan ringgit didagangkan dalam julat 4.60-4.70

berbanding dolar AS pada suku keempat 2022 diikuti 4.70-4.80 pada separuh pertama 2023.

“Kemosotot ketara dalam mata wang Dolar AS/Ringgit Malaysia baru-baru

ini didorong kebanyakannya oleh pengeksport yang menjual dolar AS dan juga mudah tunai rendah tipis dalam pasaran pertukaran asing,” katanya.

Sementara itu, RHB IB

berkata, keputusan PRU-15 mewujudkan ketidaktentuan terhadap Bajet 2023 yang diumumkan pada 7 Oktober lalu, ia disifatkan terbatal, berikutan pembubaran Parlimen pada 10 Oktober 2022.

Ia berkata, garis masa untuk pembentangan semula bajet itu yang sepatutnya dibentangkan menjelang Disember 2022 kini menjadi tidak pasti berikutan kemungkinan berlaku perubahan dalam gabungan parti politik, ia bergantung pada masa pembentukan Kabinet baharu.

“Berdasarkan perkembangan terkini, pembentangan semula Bajet 2023 mungkin mengalami kelewatan berikutan pemilihan kerajaan baharu,” katanya.

Setakat ini, perkembangan terbaharu yang perlu diberi perhatian adalah penyerahan nama Ahli Dewan Rakyat yang mendapat kepercayaan majoriti untuk menjadi Perdana Menteri Ke-10 kepada Yang di-Pertuan Agong, mesyuarat antara pemimpin parti dan pembentukan Kabinet baharu.

“Tidak kira apa pun hasilnya, kami melihat langkah ‘berorientasikan rakyat’ dan penyatuan fiskal secara beransur-ansur kekal sebagai keutamaan bagi kerajaan baharu, di mana bantuan wang tunai dan jenis bantuan lain kepada isi rumah berpendapatan rendah dan sederhana berkemungkinan diteruskan,” katanya.